

Na osnovu članka 16. stavka 3. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10) i članka 10. stavak 1. Uredbe o mjerilima, postupku i načinu ocjenjivanja rada rukovoditelja organa državne službe koje postavlja Vlada Zeničko-dobojskog kantona („Službene novine Zeničko-dobojskog kantona“, broj: 4/13), na prijedlog Povjerenstva za predlaganje ocjene rada rukovoditelja organa državne službe i drugih rukovodećih državnih službenika koje postavlja Vlada Zeničko-dobojskog kantona, imenovanog Rješenjem, broj: 02-34-14061/13 od 25.6.2013. godine i broj: 02-34-15266/13 od 10.7.2013. godine, Vlada Zeničko-dobojskog kantona na 130. sjednici održanoj dana 25.10.2013. godine, d o n o s i

## **RJEŠENJE**

Rukovoditelj Sekretarijata za zakonodavstvo **Mirsad Kadić** postavljen na radno mjesto tajnika Sekretarijata za zakonodavstvo, za rad i postignute rezultate u radu u periodu od 01.01.2012 - 31.12.2012. godine, **ocjenjuje se ocjenom uspješan.**

## **Obrazloženje**

S obzirom da je Mirsad Kadić postavljen na radno mjesto tajnika Sekretarijata za zakonodavstvo, prema proceduri provedenoj u skladu sa Uredbom o mjerilima, postupku i načinu ocjenjivanja rada rukovoditelja organa državne službe koje postavlja Vlada Zeničko-dobojskog kantona („Službene novine Zeničko-dobojskog kantona“, broj: 4/13) – u daljem tekstu:Uredba, ostvario je procjenu učinka rada za 2012. godinu od (94,5% ) imenovani se ocjenjuje sa ocjenom **uspješan.**

U skladu sa Uredbom Interresorna radna skupina provela je postupak procjene učinka, zatražila od rukovoditelja organa državne službe da dostavi sve potrebne informacije i dokumente radi izrade izvješća, te na osnovu Izvještaja o radu Sekretara od 28.02.2013. godine sačinila pismeno izvješće u kome je konstatovano da je prema svim kriterijima Kadić Mirsad ostvario ukupno 94,5% poslova i radnih zadataka.

Naime, imenovani je postupao po svim zahtjevima za davanjem potrebnih mišljenja kao i obrade prijedloga i nacрта zakonskih i pozakonskih propisa dostavljenih od strane resornih Ministarstva i drugih tijela kantonalne uprave odnosno davao potrebne odgovore i pojašnjenja po zahtjevima Vlade Kantona uključujući i rad na sjednicama, te uređivaoe izdanja „Službenih novina Zeničko-dobojskog kantona“, ali u postupku ocjenjivanja utvrđeno je da isti nije imao dovoljan broj inicijativa i prijedloga za poboljšanje rada a koje je Vlada Kantona prihvatila u 2012. godini, odnosno za period ocjenjivanja.

Imenovani nije imao primjedbi na predloženu ocjenu radnog učinka.

Radno tijelo Vlade kantona razmatralo je izvješće Interresorne radne skupine, obavilo razgovor sa imenovanim, te u skladu sa Uredbom predložilo da se isti ocjeni sa ocjenom uspješan.

Sukladno naprijed navedenom odlučeno kao u dispozitivu rješenja.

**Pouka o pravnom lijeku:**

Protiv ovog rješenja može se izjaviti prigovor Vladi Zeničko-dobojskog kantona u roku od 8 dana od dana prijema rješenja.

Prigovor se podnosi putem Ministarstva za pravosuđe i upravu u Vladi Zeničko-dobojskog kantona.

Rukovoditelj Stručne službe Vlade Zeničko-dobojskog kantona **Berjana Ačkar** postavljena na radno mjesto tajnika Vlade Kantona, za rad i postignute rezultate u radu u periodu od 01.01.2012 - 31.12.2012. godine, **ocjenjuje se ocjenom izuzetno uspješna.**

## **O b r a z l o Ź e n j e**

S obzirom da je Berjana Ačkar postavljena na radno mjesto rukovoditelj Stručne službe Vlade Zeničko-dobojskog kantona, prema proceduri provedenoj u skladu sa Uredbom o mjerilima, postupku i načinu ocjenjivanja rada rukovoditelja organa državne službe koje postavlja Vlada Zeničko-dobojskog kantona („Službene novine Zeničko-dobojskog kantona”, broj: 4/13) – u daljem tekstu Uredba, ostvarila procjenu učinka rada za 2012. godinu od ( 95,5% ) imenovana se ocjenjuje sa ocjenom **izuzetno uspješna.**

U skladu sa Uredbom Interresorna radna skupina provela je postupak provjere učinka, zatražila od rukovoditelja organa državne službe da dostavi sve potrebne informacije i dokumente radi izrade izvješća, te na osnovu podataka za procjenu učinka od jula 2013.godine, sačinila pismeno izvješće u kome je konstatovano da je prema svim kriterijima Berjana Ačkar ostvarila ukupno 95,5% poslova i radnih zadataka.

Naime imenovana je kao rukovodilac Stručne službe Vlade izvršavala postavljene ciljeve i zadatke stručnih poslova za potrebe Vlade, radnih tijela i članova Vlade a koji se posebno odnose na organizaciju i pripremanje sjednica Vlade i njenih radnih tijela, izradu i praćenje izvršenja akata koje donosi Vlada, pripremanje materijala po nalogu Vlade i praćenje njihovog izvršenja, kao i pripremanje programa i planova Vlade te izvještaja, analiza i drugih studijsko-analitičkih poslova za 2012.g. i ista je inicirala uspostavu sistema baze podataka i izradu adekvatnih baza podataka, te njihovo dokumentiranje za potrebe Vlade Kantona.

Imenovana nije imala primjedbi na predloženu ocjenu radnog učinka.

Radno tijelo Vlade Kantona razmatralo je izvješće Interresorne radne skupine, obavilo razgovor sa imenovanom, te u skladu sa Uredbom predložilo da se ista ocjeni sa ocjenom „izuzetno uspješna“.

Sukladno naprijed navedenom odlučeno je kao u dispozitivu rješenja.

**Pouka o pravnom lijeku:**

Protiv ovog rješenja može se izjaviti prigovor Vladi Zeničko-dobojskog kantona u roku od 8 dana od dana prijema rješenja.

Prigovor se podnosi putem Ministarstva za pravosuđe i upravu u Vladi Zeničko-dobojskog kantona.

Broj: 02-\_\_\_\_\_ /13  
Datum, 25.10.2013. godine  
Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:  
1x Imenovani,  
1x Personalni dosije,  
1x a/a.